



Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Opus ultra suam facultatem aggrediens tanquam præsumptuosus,
maximum incurrit vitium.

urn:nbn:de:hbz:466:1-41716

ditores, aut animarum fructum de quo est magis sollicitus, si fructuosè aut si gratiosè auditur, & sic cognoscet quanta rectitudine vel peruersitate affectus tenetur: ac per hoc quantum peccat: quia quanto magis sinister oculus ipsum sollicitat quam dexter, tanto magis sibi met homo mentitur, tribuens sinistro oculo illud in quo dextri sollicitudo superatur.

Ad hoc autem caput spectant quæcunque gestulationes, cantilenæ, & huiusmodi, quæ fiunt ut placeant hominibus. Sextum est, immiscere prædicatio- ni facetas fabellas delectandi gratia. Quod beatus Ambrosius reprehendit: quia non debent in tā graui actione de rebus tam arduis qualia sunt diuina, verba immisceri iocosa & ridicula. Communiter autem est hoc veniale: cauendum tamen ob reuerentiam diuini verbi.

Prælatorum peculiaria peccata vide in verbo, Episcopus.

Præscriptio quandoque licita quandoque illicita est.

Præscriptio legitima. (hoc est cum bona fide posse fio tanto tempore ut iura canonica approbat &c.) ius parit in foro conscientiæ: ita ut sine peccato post retineatur etiam si poste à sciatur fuisse alienū: quia auctoritate legum rationabilium (ut pote pro communi bono sancitarum) factus est dominus præscriptiarum legitimè rerum.

Opus ultra suam facultatem aggrediens tanquam præsumptuosus, maximum incurrit vitium.

Præsumptio (qua homo actu interiore vel exteriore aggreditur opus excedens suam facultatem quasi non excedat, sed sit sibi commensuratum (pecca-

F 3 tum

464

Præsumptio.

rum est, utpote contra rectam rationem. Et quia facultas quandoque consistit in scientia (ut medicina, & in cura animarum, & universaliter in artibus) præsumptio est ignorantem medicinam velle medicare corpore, & nescium sacrarum literarum velle medicare animas, sicut in ceteris artibus accidit, ignorantibus similis præsumptio. Quandoque vero consistit in potestate ordinis vel iurisdictionis: & sic præsumptio est diaconum velle dicere Missam: aut non iudicem velle iudicare, aut laicum iudicem velle iudicare clericos. Quandoque autem consistit in habitibus virtutum, seu dispositionibus earumdem. Et si præsumptio est in peccato communicare, aut incipientem velle facere ea quae sunt prefectorum, ut quotidie celebrare, arguere alios, conuersari securè cum mulieribus, velle vacare assidue contemplationi, non dominus adhuc passionibus, & similia. Est autem peccatum præsumptionis quandoque veniale, quum scilicet nulli est perniciosa seu iniuriosa. Et quandoque mortale, quum scilicet iniuriosa est alteri: qualis est præsumptio medici in damnum corporis: & similiter præsumptio confessoris ignorantis, & iudicis, & similium.

Peccatum præsumptionis grauiſſimum est.

Præsumptio rursus qua homo sperat aliquid posse consequi à Deo, quod impossibile est secundum diuinam legem ab illo consequi, peccatum est contrarium secundæ virtuti Theologicæ, quæ vocatur Spes & contrarium desperationi: ut quum quis speraret consequi peccatorum veniam sine poenitentia, aut æternam gloriam sine meritis. Et hoc est peccatum mortale: utpote derogans diuinæ dispositioni, quæ decretū est non dari veniam perseverantibus in peccato, nec gloriā sine merito. Et est unum de peccatis

in